

4286

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspeksijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina

CANTON SARAJEVO
Cantonal Administration for Inspection Issues

Broj: 14-06/05-19 -03537/20
Sarajevo, August 14. 2020. godine

17-08-2020

15. 04. 25003-30

KANTON SARAJEVO
SKUPŠTINA KANTONA SARAJEVO
(n/p predsjedavajućeg dr. Mirze Čelika)


PREDMET: Informacija, dostavlja se;

Veza: Vaš akt broj:15-04-25003-6/20 od 29.07.2020. godine (dostavljen 05.08.2020.)

Vezano za Vaš akt broj i datum veze, kojim Upravi za inspeksijske poslove Kantona Sarajevo na postupanje dostavljate Zaključak Skupštine Kantona Sarajevo broj: 01-0425003-6/20 od 28.07.2020. godine donijet na sjednici održanoj dana 28.07.2020. godine, u prilogu akta dostavljamo Informaciju o stanju prostornog uređenja, građenja te zaštite šuma na prostoru planina Bjelašnica i Igman sa aspekta nadležnosti Uprave za inspeksijske poslove Kantona Sarajevo.

S poštovanjem,

Prilog : kao u tekstu



Dostavlja se :
1.Naslovu
2.a/a (2x)



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, +387 (0) 33 569-890

KUIPKS

Inspektorat poljoprivredne, vodne i šumarske inspekcije

Inspektorat urbanističko-građevinske, ekološke, komunalne i stambene inspekcije

Broj: 14-06/05-03537/20

Broj: 14-04-22-03536/20

Sarajevo, August 14. 2020. godine

I N F O R M A C I J A

o stanju prostornog uređenja, građenja te zaštite šuma na prostoru planina Bjelašnica i Igman sa aspekta nadležnosti Uprave za inspekcijske poslove Kantona Sarajevo

Postupajući u skladu sa Zaključkom Skupštine Kantona Sarajevo broj: 01-0425003-6/20 od 28.07.2020. godine koji je donijet na sjednici održanoj dana 28.07.2020. godine, Informacija o stanju prostornog uređenja, građenja te zaštite šuma na prostoru planina Bjelašnica i Igman, sadrži informacije sa aspekta nadležnosti Uprave za inspekcijske poslove Kantona Sarajevo, provedeno putem sljedećih Inspektorata:

- a) Inspektorata poljoprivredne, vodne i šumarske inspekcije, i
- b) Inspektorata urbanističko-građevinske, ekološke, komunalne i stambene inspekcije.

a) INFORMACIJA Inspektorata poljoprivredne, vodne i šumarske inspekcije o gospodarenju i upravljanju šumama i šumskim zemljištem na lokalitetu Igmana i Bjelašnice s posebnim osvrtom na lokalitete na kojima se grade građevinski objekti, sa aspekta nadležnosti šumarske inspekcije

Uprava za inspekcijske poslove Kantona Sarajevo, putem kantonalnih šumarskih inspektora obavlja inspekcijski nadzor nad primjenom Zakona o šumama Kantona Sarajevo ("Službene novine Kantona Sarajevo", broj: 5/13). Obzirom da se u Zaključku Skupštine Kantona Sarajevo traži informacija o stanju prostornog uređenja, građenja, te zaštite šuma na prostoru planina Bjelašnica i Igman, informacija o postupanju šumarske inspekcije je urađena sa posebnim osvrtom na zaštitu šuma na lokalitetima na kojima je prisutna gradnja objekata, bez obzira kojoj namjeni su ti objekti izgrađeni ili se grade.

Vezano za gospodarenje i upravljanje šumama i šumskim zemljištem na lokalitetu Igmana i Bjelašnice, prije svega, ističemo sljedeće:

- Državnim šumama i šumskim zemljištem na širem lokalitetu Bjelašnice i Igmana gospodari Kantonalno javno preduzeće za gospodarenje državnim šumama "Sarajevo-šume" d.o.o. Sarajevo.
- Kantonalna uprava za šumarstvo pri Ministarstvu privrede Kantona Sarajevo obezbjeđuje neposrednu zaštitu državnih šuma i obavlja ostale poslove utvrđene članom 57. Zakona o šumama Kantona Sarajevo ("Službene novine Kantona Sarajevo", broj: 5/13), i istovremeno vrši kontrolu gospodarenja sa šumama u privatnom vlasništvu.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Kantonalni šumarski inspektori su u prethodnom periodu vršili redovne i usmjerene inspekcijske nadzore na lokalitetu Igmana i Bjelašnice. Tokom provedenih nadzora više puta su utvrđene određene nepravilnosti, nakon čega su postupajući inspektori u skladu sa Zakonom o šumama Kantona Sarajevo ("Službene novine Kantona Sarajevo", broj: 5/13) i Zakonom o inspekcijama u Kantonu Sarajevo ("Službene novine Kantona Sarajevo", broj: 2/17), preduzimali odgovarajuće zakonom predviđene mjere - donošenje rješenja kojim se nalažu mjere za otklanjanje utvrđenih nedostataka, kao i izdavanje prekršajnih naloga i izricanje kaznenih sankcija za nedostatke koji su zakonima propisane kao prekršajne radnje. Tokom inspekcijskih nadzora nad redovnim gospodarenjem šumama u toku 2019. godine utvrđeni su određeni nedostaci koji su se odnosili na provođenje i uspostavljanje mjera šumskog reda u odjelima u kojima su vršene redovne sječe, kao i u otpremi šumskih drvnih sortimenata, radi čega je inspekcija donosila rješenja i nalagala otklanjanje nedostataka, a u slučajevima kršenja odredaba Zakona o šumama Kantona Sarajevo izdavala i prekršajne naloge.

Uprava za inspekcijske poslove Kantona Sarajevo svake godine redovno Vladi i Skupštini Kantona Sarajevo dostavlja godišnje izvještaje koji sadrže i podatke o preduzetim mjerama od strane kantonalne šumarske inspekcije. U ovoj Informaciji iznosimo bitne podatke o postupanju kantonalne šumarske inspekcije u prethodnoj 2019. godini i prvih šest mjeseci tekuće 2020. godine. Posebno napominjemo da je tokom 2018. i 2019. godine, po nalogu direktora KUIP-e, donesen poseban Plan pojačanog djelovanja šumarskih inspektora na sprečavanju nelegalnih aktivnosti i bespravnih sječa šume. Ovi pojačani nadzori su pokazali pozitivne rezultate po pitanju redovnog gospodarenja šumama od strane korisnika, t.j. KJP "Sarajevo-šume" d.o.o. Sarajevo. U dijelu koji je vezan za oblast čuvanja i zaštite šuma od krađa i bespravnog prisvajanja, koje je u nadležnosti Kantonalne uprave za šumarstvo, nisu polučeni očekivani rezultati, obzirom da je utvrđeno da su bespravne sječe i dalje izražene, ali napominjemo da prema odredbama Zakona o šumama Kantona Sarajevo kantonalni šumarski inspektori vrše nadzor nad radom Kantonalne uprave za šumarstvo ali nemaju mogućnost sankcionisanja utvrđenih nepravilnosti.

Tokom 2019. godine na lokalitetu Igmana i Bjelašnice kantonalna šumarska inspekcija je izvršila 86 inspekcijskih pregleda, od čega 8 pregleda koji su se odnosili na lokalitet Babinog dola, a vezani su za sječu šuma radi gradnje novih objekata. Zbog utvrđenih nepravilnosti poduzete su sljedeće mjere:

- donesena su 3 rješenja koja su se odnosila na sanaciju i popravke šumskog reda u odjelima u kojima se vrše redovne sječe šuma od strane Kantonalnog javnog preduzeća za gospodarenje državnim šumama "Sarajevo-šume" d.o.o. Sarajevo i otpremu drvnih sortimenata;
- zbog kršenja odredaba Zakona o šumama Kantona Sarajevo, izdato je 5 prekršajnih naloga za bespravno odlaganje otpada u Babinom dolu u kojima su izrečene novčane kazne u iznosu 1000,00 KM;
- za bespravan transport drvnih sortimenata, izdata su 2 prekršajna naloga u iznosu 400,00 KM;
- za bespravne sječe na Babinom dolu, izdat je 1 prekršajni nalog u iznosu 200,00 KM;
- zbog nepostupanja po naloženim mjerama inspektora izdata su 2 prekršajna naloga u iznosu 4.000,00 KM;



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

- za nepravilno provođenje doznake, lagerovanje i bespravan transport izdata su 4 prekršajna naloga u ukupnom iznosu 14.004,00 KM.

U prvih šest mjeseci 2020. godine izvršeno je 48 inspekcijskih pregleda na lokalitetu Igmana i Bjelašnice, uz napomenu da su utvrđene određene nepravilnosti koje su se odnosile na enormno velike zalihe četinarskog drveta koje je bilo posječeno i ležalo u šumi neotpremljeno pod korom, što je predstavljalo opasnost za zarazu i razna oboljenja šume, o čemu je Kantonalna šumarska inspekcija sačinila posebnu informaciju koju je dostavila nadležnom Ministru u Ministarstvo privrede Kantona Sarajevo. Na intervencije Ministra, te posječene zalihe su uglavnom u većoj mjeri otpremljene iz šume i ako ima slučajeva da određene vrste sortimenata koji su uglavnom manje vrijednosti još uvijek leže u šumi pod korom i stalni su izvor zaraze uz mogućnost razvoja raznih vrsta gljivičnih oboljenja i namnoženja insekata koji napadaju i oštećuju sortimente pod korom, a u slučajevima prenamnoženja, predstavljaju opasnost i za živa dubeća stabla, odnosno šumu i šumske zajednice.

Zbog utvrđenih nepravilnosti poduzete su sljedeće mjere :

- za bespravno zauzimanje šumskog zemljišta na Javorovom dolu izdat je 1 prekršajni nalog u iznosu 200,00KM i doneseno rješenje kojim je naloženo vraćanje bespravno zauzetog šumskog zemljišta ;
- za bespravan transport drvnih sortimenata izdata su 2 prekršajna naloga u iznosu od 400,00 KM;
- za skladištenje drvnih sortimenata u doba vegetacije pod korom izdata su 2 prekršajna naloga u iznosu od 7.000,00 KM .

U svrhu razvoja turističkih potencijala uz postojeće olimpijske objekte na Bjelašnici, na lokalitetu Babinog dola u šumskom odjelu broj 94 Gospodarske jedinice "Igman", isječeno je i iskrčeno oko 4 hektara visoke jelovo-bukove šume sa prirodnom obnovom, nakon čega su na predmetnom lokalitetu izgrađeni različiti turistički objekti, kao što su : hoteli, apartmani i drugi prateći objekti uz izgradnju i druga potrebna infrastruktura. U postojećoj situaciji navedene radnje su provedene zakonito obzirom da je gradnja bila usaglašena sa prostornim i razvojnim planovima, pa je za sječu šume, odnosno krčenje i pretvaranje šumskog zemljišta u građevinsko izdata prethodna saglasnost Ministarstva privrede Kantona Sarajevo i konačno Rješenje o odobrenju krčenja šume od strane Federalnog ministarstva poljoprivrede, vodoprivrede i šumarstva broj: 05-26-115/04 od 23.07.2004. godine, izdato u skladu sa tada važećim Zakonom o šumama u Federaciji Bosne i Hercegovine, kojim je odobreno krčenje na KČ 3008 KO Presjenica u svrhu gradnje i realizacije Plana za gradnju hotelsko-turističkih objekata "Bjelašnica – I faza". Na lokalitetu "Babin do" je poslije izvršene sječe, odnosno krčenja i gradnje navedenih objekata, dolazilo do etapne gradnje objekata i širenja zone sa izgrađenim objektima, te je uglavnom rubno sječena šuma na mjestima za koje je općina Trnovo izdavala dokumentaciju za gradnju takvih objekata.

Kantonalna šumarska inspekcija, je u prethodnom periodu vršila kontrole i inspekcijske preglede u svim slučajevima u kojima je imala saznanja o sječi i krčenju šuma i realizaciji projekata gradnje različitih vrsta objekata na šumskom zemljištu u kojima je vršena prethodna sječa i krčenje šume, kao što je :



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

- projekat za gasovod od Hrasnice za Bjelašnicu, gdje je za sječu i krčenje na trasi dalekovoda izdata uredna suglasnost za krčenje i uklanjanje šume od strane Federalnog ministarstva poljoprivrede, vodoprivrede i šumarstva broj: 05-26-153/05 od 16.06.2005.godine, gdje je odobrena površina iznosila $P=58.000m^2$ i trasa je prolazila kroz više šumskih odjela u Gospodarskoj jedinici "Igman".

Pored toga, u više slučajeva je odobreno krčenje i sječa šume od strane Federalnog ministarstva poljoprivrede, vodoprivrede i šumarstva za postavljanje GSM uređaja i antenskih stubova i opreme i to:

- U odjelu broj 100 Gospodarske jedinice "Igman" na vrhu Bjelašnice za potrebu gradnje-postavljanja antenskog stuba, odobrena je sječa i krčenje na površini $P=30 m^2$

- U odjelu 97 GJ "Igman" za potrebe Eroneta, odobrena je sječa i krčenje šume na površini $P=145 m^2$

- U odjelu 6 GJ "Igman" na Brezovači za potrebe BH Telekoma, odobrena je sječa i krčenje šume na površini $P=30m^2$

- U odjelu 147 GJ "Igman" na Malom polju za potrebe BH telekoma odobrena je sječa i krčenje šume na površini $P=30m^2$

- U odjelu 97 GJ "Igman" za postavljanje bazne stanice, odobrena je sječa i krčenje šume na na površini $P=175m^2$

- U odjelu 147 GJ "Igman" za polaganje elektrovodova za potrebe Elektroprivrede FBiH, , odobrena je sječa i krčenje na površini $P=700m^2$

- U odjelu 5 GJ "Igman" za potrebe preduzeća MIBO komunikacije za postavljanje antenskog stuba, odobrena je sječa i krčenje na površini $P=100m^2$

Za sva navedena odobrenja postoje rješenja Federalnog ministarstva poljoprivrede, vodoprivrede i šumarstva, kojima je odobrena sječa i krčenje šume.

Pored naprijed navedenog, utvrđeno je i sljedeće:

- Za potrebe gradnje ski lifta u odjelu 102 Gospodarske jedinice "Igman" , rješenjem Federalnog ministarstva poljoprivrede, vodoprivrede i šumarstva broj: 05-26-60/05 od 28.03.2015.godine, odobrena je sječa i krčenje na površini $P=2.000m^2$

- Za uređenje prostora oko džamije na Igmanu u odjelu 75 GJ "Igman", Rješenjem Federalnog ministarstva poljoprivrede, vodoprivrede i šumarstva iz 2006. godine, odobrena je sječa na na površini $P=192m^2$

- U odjelu 97 odsjek "c" GJ "Igman", rješenjem Federalnog ministarstva poljoprivrede, vodoprivrede i šumarstva broj: 06-26-291/03 od 25.09.2003. godine, odobrena je sječa i krčenje na površini $P=2.124m^2$

- Za proširenje i gradnju žičare iz Babinog dola do vrha Bjelašnice u odjelima 101, 102 i 103 GJ "Igman" , rješenjem Fedaralnog ministarstva poljoprivrede, vodoprivrede i šumarstva broj: UP-I-07-1-26-149/08 od 03.12.2008. godine , odobrena je sječa i krčenje na površini $P=2,63$ hektara

- Za skijašku stazu na Malom polju u odjelima 144, 146 i 147 GJ "Igman", rješenjem Federalnog ministarstva poljoprivrede, vodoprivrede i šumarstva broj: UP-I-07-1-26-113/08 od 28.01.2008. godine, odobrena je sječa i krčenje na površin $P=3.200m^2$



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

- Za gradnju putne komunikacije od hotela Maršal na Babinom dolu, do putne komunikacije koja sa Grkarice ide prema Dejčićima, rješenjima Federalnog ministarstva poljoprivrede, vodoprivrede i šumarstva broj: 06-26-291/06 od 12.06.2007. godine i broj: UP-I-07-26/1-789/12 od 09.09.2013. godine, odobrena je sječa i krčenje na trasi puta ukupne površine P=40.943 m²
- Za potrebe vertikalnog transporta i vještačkog osnježavanja u toku 2018. godine, u odjelu 101 i 102, Gospodarske jedinice "Igman", Ministarstvo privrede Kantona Sarajevo je odobrilo sječu i krčenje na površini P= 20.000m²
- Za realizaciju Projekta "Bjelašnica II", Rješenjem ministarstva privrede Kantona Sarajevo broj: 07-06-26-3750/16 od 25.03.2016. godine, odobrena je sječa i krčenje radi gradnje na površini P=27.296m²

U svim slučajevima je rješenjima kojima se odobrava sječa i krčenje obračunata naknada radi izuzimanja i pretvaranja šumskog zemljišta u druge namjene.

Vjerovatno postoji i određen broj slučajeva u kojima je vršena sječa i krčenje šuma na manjim površinama uz odobrenja nadležnih organa koji nisu navedeni u ovoj informaciji i koje inspekcija nije evidentirala jer o njima nije posjedovala nikakva saznanja.

Postupak odobravanja građenja na navedenim lokalitetima provodi Općina Trnovo. Općina je u skladu sa propisima iz oblasti urbanizma i građenja mijenjala i prilagođavala urbanističku i provedbenu dokumentaciju, a zemljišta na kojima je planirana gradnja su uglavnom obrasla šumom tako da je većinom postojala potreba za uklanjanjem i sječom šume u fazi vršenja pripremnih radova. Takav slučaj je i sa gradnjom "Sportsko rekreacionog centra" (SRC) na istom lokalitetu, gdje je Općina Trnovo postupak projektovanja i gradnje provodila etapno, a obzirom da je lokalitet na kojem se gradi sportsko rekreativni centar obrastao šumom, i sama sječa i krčenje šume su se provodili i provode etapno. Za sječu i krčenje dijela površine odnosno putnih komunikacija unutar SRC na česticama KČ 752/2 i KČ 3008/86, KO Presjenica, općina Trnovo, izdata je konačna suglasnost i odobrenje za sječu i krčenje od strane Ministarstva privrede Kantona Sarajevo broj: 07-06-26-13653/18 od 19.11.2018. godine.

Tokom 2019. godine, kantonalna šumarska inspekcija je izvršila nadzor nad sječom i krčenjem šuma na lokalitetu na kojem je planirana gradnja SRC na katastarskim česticama: KČ 752/2 i KČ 3008/86, KO Presjenica, općina Trnovo, za koje je Općina Trnovo kao investitor i nosilac projekta u vrijeme vršenja inspekcijskog pregleda, posjedovala Rješenje Ministarstva privrede Kantona Sarajevo broj: 07-06-26-13653/18 od 19.11.2018. godine, u vidu konačne saglasnosti za krčenje šume i pretvaranje šumskog zemljišta u građevinske namjene što je provođeno na predviđenim putevima i stazama unutar tzv sportsko-rekreacionog centra. Poslije izvršenih inspekcijskih pregleda, utvrđene su određene nepravilnosti u doznaci, sječi i otpremi drveta na navedenim lokalitetima zbog čega su poduzete sljedeće mjere :

- izdata 2 prekršajna naloga u ukupnom iznosu 7.0004,00KM , i to : općini Trnovo prekršajni nalog u iznosu 5002,00 KM i načelniku Općine kao odgovornom licu prekršajni nalog u iznosu 2002,00 KM, (prihvaćene i uplaćene);



- izdata 2 prekršajna naloga u ukupnom iznosu 7.000,00KM preduzeću koje je izvodilo poslove doznake i projektovanja (za preduzeće 5000,00KM i za odgovorno lice 2000,00KM) , (prihvaćene i uplaćene).

Prema saznanjima ove inspekcije sječa i krčenje šume na preostaloj površini SRC nije odobrena od strane Ministarstva privrede Kantona Sarajevo zato što nisu ispoštovani propisi iz oblasti zaštite okoliša vezano za projektnu dokumentaciju, te je iz tih razloga Ministarstvo privrede Kantona Sarajevo donijelo zaključak kojim je zahtjev za sječom i krčenjem šume Općine Trnovo odbačen kao nepotpun.

Na kraju, ponovo ističemo da je Zakonom o šumama Kantona Sarajevo, cjelokupna zaštita šuma i šumskih zemljišta prenesena na Kantonalnu upravu za šumarstvo gdje je formirana čuvarska-lugarska služba koja čuva šume i šumska zemljišta, te je sve podatke vezano za krađu šuma, bespravnu sječom i krčenje šuma, bespravno zauzimanje šuma i šumskog zemljišta, zaštitu od požara, zaštitu od biljnih bolesti i sveukupnu zaštitu, eventualne podatke o štetama i preduzetim mjerama potrebno tražiti od Kantonalne uprave za šumarstvo.

Takođe, potrebno je naglasiti da je ovaj Inspektorat na predmetnom lokalitetu Igmana i Bjelašnice u više navrata provodio i nadzore iz oblasti nadležnosti vodne inspekcije . Ovi nadzori su bili usmjereni, a više puta rađeni su i timski nadzori, a uglavnom su bili vezani za problematiku zaštite izvorišta Vrelo Bosne, odnosno poduzimanje mjera kojim bi se spriječilo zagađenje izvorišta.

b) INFORMACIJA Inspektorata urbanističko-građevinske, ekološke, komunalne i stambene inspekcije o stanju prostornog uređenja, građenja te zaštite šuma na prostoru planina Bjelašnica i Igman, sa aspekta nadležnosti kantonalne urbanističko-građevinske inspekcije

Uprava za inspeksijske poslove Kantona Sarajevo, putem kantonalne urbanističko-građevinske inspekcije obavlja inspeksijski nadzor nad primjenom Zakona o prostornom uređenju Kantona Sarajevo ("Sl. novine Kantona Sarajevo"br.24/17 i 01/18). Članom 145. Zakona o prostornom uređenju Kantona Sarajevo propisano je da poslove inspeksijskog nadzora u oblasti urbanizma i građenja u prvom stepenu obavljaju kantonalni, gradski i općinski urbanističko-građevinski inspektori, a nadležnosti ovih inspektora propisane su članom 147. istog zakona.

Obzirom da se Zaključkom Skupštine Kantona Sarajevo traži informacija o stanju prostornog uređenja, građenja, te zaštite šuma na prostoru planina Bjelašnica i Igman, ističemo da kantonalna urbanističko-građevinska inspekcije shodno odredbama člana 147.st.1. Zakona o prostornom uređenju Kantona Sarajevo nije nadležna za prvostepeni nadzor nad izradom i provođenjem planskih dokumenata na nivou općine niti za nadzor nad ostvarivanjem i provođenjem planskih dokumenata na nivou općine kao ni za nadzor nad izgradnjom i korištenjem građevina i drugih zahtvata u prostoru za koje odobrenje donosi nadležna općinska



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

služba. Za naprijed navedeno nadležna je općinska urbanističko-građevinska inspekcija shodno odredbama člana 147.st.3. Zakona o prostornom uređenju Kantona Sarajevo .

Međutim, obzirom da kantonalna urbanističko-građevinska inspekcija shodno čl. 147.st.1.t.3. ima nadležnost da vrši nadzor nad radom općinskih urbanističko-građevinskih inspektora u provođenju propisa iz oblasti prostornog uređenja, inspeksijske nadzore vezano za dostavljene zahtjeve za kontrole u oblasti prostornog uređenja na lokalitetu Igmana i Bjelašnice ova inspekcija je vršila na način da su u tom smislu vršeni nadzori nad radom općinskih urbanističko-građevinskih inspektora Općine Trnovo i Hadžići. O provedenim postupcima i izvršenim nadzorima ova inspekcija je redovno obavještavala nadležno Ministarstvo, odgovarala na dostavljena zastupnička pitanja i inicijative, te dostavljala odgovore svim institucijama koje su zatražile informaciju vezano za stanje u oblasti urbanizma i građenja na predmetnom lokalitetu.

U vezi sa svim naprijed navedenim, informišemo sljedeće:

Ministarstvo prostornog uređenja, građenja i zaštite okoliša Kanton Sarajevo aktom broj: 05-23-26448/18 VI od 29.06.2018.godine dostavilo je zahtjev Upravi za inspeksijske poslove Kantona Sarajevo kojim traži inspeksijski nadzor vezano za odluke o pristupanju izradi prostorno-planske dokumentacije na području Bjelašnice i Igmana koje su objavljene u Službenim novinama Kantona Sarajevo tokom 2017. i 2018.godine, a shodno članu 144. st.2. Zakona o prostornom uređenju Kantona Sarajevo ("Sl. novine Kantona Sarajevo", br.24/17 i 01/18).

Kako je s obzirom na sadržaj zahtjeva utvrđeno da je traženi inspeksijski nadzor nad izradom i provođenjem planskih dokumenata na nivou općine shodno odredbama člana 147.st.3.t.a. Zakona o prostornom uređenju Kantona Sarajevo ("Sl. novine Kantona Sarajevo"br.24/17 i 01/18) u nadležnosti općinske inspekcije, predmetni zahtjev uputili smo na dalji postupak i nadležnost urbanističko-građevinskoj inspekciji Općine Hadžići i urbanističko-građevinskoj inspekciji Općine Trnovo. Istovremeno, cijeneći važnost dostavljenog zahtjeva, kantonalni urbanističko-građevinski inspektor je u skladu sa ovlaštenjima pokrenuo postupak inspeksijskog nadzora nad radom navedenih općinskih urbanističko-građevinskih inspekcija i zatražio dostavu informacije o provedenom postupku, utvrđenom činjeničnom stanju i poduzetim mjerama.

- Postupajući po ovom zahtjevu, općinski urbanističko-građevinski inspektori pokrenuli su postupak inspeksijskog nadzora , i to :

- Urbanističko-građevinska inspekcija Općine Trnovo u informaciji broj:02/04.1-230-2441/18 od 06.08.2018.godine navodi da je tokom provedenog postupka utvrđeno da Odluka o pristupanju izrade izmjena i dopuna Regulacionog plana "Sportsko rekreacionog područja Bjelašnice" ("Sl. novine Kantona Sarajevo" br.48/17) i Odluka o pristupanju izrade Urbanističkog projekta "Kolijevka" ("Sl. novine Kantona Sarajevo" br.14/18) nisu predvidile strategijsku procjenu uticaja na okoliš. Nakon tako utvrđenog činjeničnog stanja općinska urbanističko-građevinska inspekcija donijela je upravnu mjeru Rješenje upozorenja kojim se Općina Trnovo upozorava na zakonom propisanu obavezu pribavljanja mišljenja nadležnog ministarstva o potrebi izrade strategijske procjene uticaja na okoliš.

- Urbanističko-građevinska inspekcija Općine Hadžići je takođe postupila po zahtjevu kantonalne inspekcije za vršenje nadzora nad izradom i provođenjem planskih dokumenata gdje je nosilac pripreme načelnik Općine Hadžići i to Odluke o pristupanju izrade Urbanističkog projekta



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

"Igman-Veliko polje" ("Sl. novine Kantona Sarajevo" br.31/17). Nakon provedenog postupka i utvrđenog činjeničnog stanja donesen je akt Rješenje upozorenja kojim se Općina Hadžići, Općinski načelnik upozorava na zakonom propisane obaveze pribavljanja mišljenja nadležnog ministarstva . Nakon ovoga, kantonalna inspekcija je zatražila da općinska inspekcija vrši kontrolu izvršenja donijetog rješenja te da hitno pokrene postupak inspeksijskog nadzora nad Zavodom za planiranje razvoja Kantona Sarajevo, kao nosiocem izrade naprijed navedenih Odluka o pristupanju izradi planskih dokumenata.

U daljem postupku inspeksijskog nadzora kantonalna urbanističko-građevinska inspekcija zatražila je od urbanističko-građevinske inspekcije Općine Trnovo da izvrši kontrolu donesenih rješenja upozorenja kao i da hitno pokrene postupak inspeksijskog nadzora nad Zavodom za planiranje razvoja Kantona Sarajevo kao nosiocem izrade naprijed navedenih Odluka.

- Općinski urbanističko-građevinski inspektor je postupio po zahtjevu ovog organa i o istom informisao sljedeće: U informaciji urbanističko-građevinske inspekcije Općine Trnovo broj:02/04.1-230-2441/18 od 14.11.2018.godine stoji da nakon donesenog Rješenja upozorenja nosilac pripreme i nosilac izrade Izmjene i dopune Regulacionog plana "Sportsko rekreacionog područja Bjelašnice" ("Sl. novine Kantona Sarajevo" br.48/17) i Odluke o pristupanju izrade Urbanističkog projekta "Kolijevka" ("Sl. novine Kantona Sarajevo" br.14/18) nije obustavio aktivnosti nego se radi koncept navedenih planskih dokumenata koji će poslužiti za izradu strategijske procjene uticaja na okoliš ukoliko ona bude bila potrebna. Po definisanju koncepta navedenih planskih dokumenata, nosilac pripreme u ovom slučaju općina će tražiti mišljenje Ministarstva za prostorno uređenje, građenje i zaštitu okoliša Kantona Sarajevo, te ukoliko ista bude potrebna donijet će odluku o vršenju iste i pristupiti izmjenama i dopunama ovih planskih dokumenata. Pored toga, dana 14.11.2018.godine urbanističko-građevinski inspektor Općine Trnovo izvršio je inspeksijski nadzor u prostorijama Zavoda za planiranje razvoja Kantona Sarajevo u prisustvu direktora Zavoda i njegovih saradnika, a vezano za primjenu odredbi čl. 33. stav 5. tačka a),g),i) Zakona o prostornom uređenju Kantona Sarajevo ("Sl. novine Kantona Sarajevo" br.24/17 i 01/18), te je konstatovano da mišljenja propisana navedenim odredbama nisu zatražena jer izrada navedenog plana nije u fazi u kojoj nosilac izrade podnosi zahtjev za navedena mišljenja. Služba za urbanizam, komunalne poslove, investicije i zaštitu čovjekove okoline Općine Trnovo aktom broj: 02/2-23-1256/19 od 05.02.2019.godine obavijestila je općinsku urbanističko-građevinsku inspekciju da su sve aktivnosti na izradi navedenih planskih dokumenata obustavljene, te da je od strane općine pokrenuta inicijativa kod nadležnog ministarstva Kantona Sarajevo za održavanje trilateralnog sastanka između Općine Trnovo, Ministarstva za prostorno uređenje, građenje i zaštitu okoliša Kantona Sarajevo i Zavoda za planiranje razvoja Kantona Sarajevo u vezi strategijske procjene uticaja planova i programa na okoliš.

Dana 03.07.2019. godine Uprava za inspeksijske poslove Kantona Sarajevo zaprimila je zahtjev Ministarstva prostornog uređenja, građenja i zaštite okoliša Kantona Sarajevo broj: 05-23-26448/18 VI od 01.07.2019. godine kojim se traži hitan nadzor i dostava informacije vezano za ranije pokrenuti postupak nadzora kantonalne urbanističko-građevinske inspekcije u predmetu



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

broj:14-06/04-23.0-13169/18 i posebno vezano za činjenicu da Ministarstvo ima saznanja da se na predmetnom lokalitetu trenutno odvijaju određeni građevinski radovi.

- Tim povodom, dana 04.07.2019. godine KUIP-e je po službenoj dužnosti pokrenula traženi postupak nadzora. Postupajući u skladu sa dostavljenim zahtjevom, a uzimajući u obzir da je postupajući kantonalni urbanističko-građevinski inspektor od februara 2019. godine bio na bolovanju, glavni inspektor Inspektorata urbanističko-građevinske, ekološke, komunalne i stambene inspekcije je odmah kontaktirao postupajućeg općinskog urbanističko-građevinskog inspektora i dana 04.07.2019. godine u prostorijama Općine Trnovo izvršio uvid u predočenu dokumentaciju vezanu za postupanje Općine Trnovo u ranijem periodu kao i kontrolu na licu mjesta. Nadzor je izvršen u prisustvu Sarine Šabotić, općinskog urbanističko-građevinskog inspektora, i Mirsada Mešića, pomoćnika načelnika Službe za civilnu zaštitu i inspeksijske poslove. Kako općinski inspektor, radi ranije preuzetih obaveza (seminar) nije prisustvovao daljem toku nadzora, planirani obilazak lokaliteta Bjelašnica Babin do i Bjelašnica Štinji do je izvršen u prisustvu pomoćnika načelnika. U trenutku kontrole predočena je sljedeća dokumentacija izdata od strane nadležne službe Općine Trnovo u postupku odobravanja građenja u periodu februar- juni 2019. godine, i to : dopis broj: 02/4.1-230-2441/18 od 04.03.2019. godine koji je Služba za civilnu zaštitu i inspeksijske poslove Općine Trnovo dostavila Ministarstvu povodom zahtjeva broj 05-23-26448/18 VI od 30.01.2019. godine, te dopis broj: 02-26-3707/18 od 12.02.2019. godine koji je općinski načelnik dostavio Ministarstvu povodom zahtjeva broj 05-23-26448/18 VI od 30.01.2019.godine.

Na osnovu tako provedenog nadzora utvrđeno je sljedeće:

Na predmetnom lokalitetu izvode se obimni građevinski radovi na izgradnji objekata i infrastrukture, uklanjanju postojećih privremenih ili ruševnih objekata, te radovi na uređenju prostora. Na predmetnom lokalitetu je od marta 2019. godine na više lokacija započeto izvođenje novih građevinskih radova na izgradnji objekata (pripremni radovi). Općina Trnovo je u periodu april-juni vodila postupke odobravanja građenja na predmetnom lokalitetu ili postupke izmjene i dopune ranije donijetih rješenja. Uvidom u predočene dokumente utvrđeno je da u istim stoji da se izdaju na osnovu UP "Bjelašnica I faza" odnosno UP "Bjelašnica II faza". U pojedinim dokumentima stoji da nadležni organ u postupku donošenja rješenja pribavlja i mišljenje Savjeta plana za prostorni razvoj, prostorno planiranje, plansko uređenja te za ocjenu kvaliteta arhitektonskih oblikovanja i verifikaciju projekata u okviru planskih dokumenata općine Trnovo. Uvidom u dopis općinske inspekcije od 04.03.2019. godine utvrđeno je da je općinska inspekcija obavijestila Ministarstvo da se UP "Poslovno-sportski centar Trnovo", UP "Bjelašnica I faza" i UP "Bjelašnica II faza", nalaze u sklopu Prostornog plana Kantona Sarajevo i u granicama RP "Sportsko-rekreaciono područje Bjelašnica" koji je donesen 1982. godine i koji je još uvijek na snazi, te da se shodno tome Općina nije obraćala za mišljenje o potrebi izrade Strategijske procjene uticaja na okoliš jer u članu 17.st.1. Uredbe o strategijskoj procjeni planova i programa na okoliš ("Sl. novine Kantona Sarajevo", broj 32/11) stoji: "Planovi i programi čija je izrada započeta prije stupanja na snagu ove uredbe nastaviće se po ranije utvrđenom postupku." Shodno tako utvrđenom stanju, Kantonalna uprava za inspeksijske poslove zatražila je aktom broj: 14-06/05-23.0-13160/18 od 08.07.2019. godine da postupajući općinski urbanističko-građevinski inspektor u skladu sa odredbama člana 147.stav 3. Zakona o prostornom uređenju ("Sl. novine Kantona Sarajevo", broj 24/17 i 01/18) odmah poduzme sljedeće mjere:



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

izvrši inspekcijski nadzor nad izvođenjem novih radova na predmetnom lokalitetu uključujući provjeru usaglašenosti urbanističke saglasnosti sa planskim dokumenti; izvrši inspekcijski nadzor nad izradom i provođenjem planskih dokumenta vezanih za predmetni lokalitet; izvrši inspekcijski nadzor nad ostvarivanjem i provođenjem planskih dokumenta vezanih za predmetni lokalitet; utvrdi ažurno stanje ranije pokrenutih postupaka vezanih za traženu izradu Strategijske procjene uticaja na okoliš.

- Tim povodom, urbanističko-građevinska inspekcija Općine Trnovo dostavila je ovom organu akt broj: 02/4.1-230-3066/19 od 23.07.2019.godine u kojem se navodi da je Službi za urbanizam uputila zahtjev za dostavu informacije vezano za traženo. Nakon toga, aktom broj: 02/4.1-230-3066/19 od 26.07.2019.godine urbanističko-građevinska inspekcija Općine Trnovo dostavila je ovom organu informaciju koja je opet bila nepotpuna. Shodno tome Kantonalna uprava za inspekcijske poslove uputila je Općini Trnovo urgenciju broj:14-06-23.0-13169/18 od 05.08.2019.godine i zatražila dopunu postupka inspekcijskog nadzora i informaciju o istom. Na tako dostavljen zahtjev Općina Trnovo dostavila je ovom organu dopis od 22.08. 2019. godine u kome navode da" ne mogu poduzeti tražene radnje i mjere zbog velikog obima posla i činjenice da isto obavlja samo jedan inspektor koji je tu tek tek par mjeseci".

Odmah po dolasku sa bolovanja postupajući kantonalni urbanističko-građevinski inspektor je prioritarno uzeo u rad navedeni predmet i, vezano za sve naprijed navedeno, poduzeo sljedeće radnje :

- dana 24.09.2019.godine izvršen je obilazak lokaliteta Bjelašnica Babin do, i tom prilikom utvrđeno da na navedenom lokalitetu egzistira 20 aktivnih gradilišta i 2 neaktivna - građevinski radovi na izgradnji objekata i infrastrukture, te pripremni radovi u cilju izgradnje građevina.

- dana 25.09.2019.godine izvršen je uvid u službenu evidenciju Ministarstva za prostorno uređenje, građenja i zaštite okoliša Kantona Sarajevo u prisustvu stručnog saradnika Vesne Ilić i tom prilikom utvrđeno da je gore navedeni organ u postupku izdavanja okolinskih saglasnosti Općini Trnovo donio sljedeće akte :

a) Zaključak broj 05-23-16767/18 od 09.05.2019.godine kojima se prekida postupak izdavanja okolinske dozvole za krčenje šume u predmetu broj 05-23-16767/18 od 28.11.2018.godine koji traje dok Općina Trnovo ne donese planski dokument Izmjena i dopuna Regulacionog plana "Sportsko-rekreativno područje Bjelašnice" u koji će biti ugrađeni rezultati strategijske procjene uticaja predmetnog plana na okoliš, a najkasnije u roku od devet mjeseci od dana donošenja zaključka

b) Zaključak broj 05-23-17380/18 VI od 10.05.2019.godine kojim se prekida postupak izdavanja okolinske dozvole Općine Trnovo za krčenje šume u predmetu broj 05-23-17380/18 od 12.12.2018.godine koji traje dok Općina Trnovo ne donese planski dokument Izmjena i dopuna Regulacionog plana "Sportsko-rekreativno područje Bjelašnice "u koji će biti ugrađeni rezultati strategijske procjene uticaja predmetnog plana na okoliš, a najkasnije u roku od devet mjeseci od dana donošenja zaključka

c) Zaključak broj 05-23-491/19VI od 10.05.2019.godine kojim se prekida postupak izdavanja okolinske dozvole Općine Trnovo za krčenje šume u predmetu broj 05-23-491/189VI od 11.01.2019.godine koji traje dok Općina Trnovo ne donese planski dokument Izmjena i dopuna



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Regulacionog plana "Sportsko-rekreativno područje Bjelašnice"u koji će biti ugrađeni rezultati strategijske procjene uticaja predmetnog plana na okoliš, a najkasnije u roku od devet mjeseci od dana donošenja zaključak. Prema navodima stručnog saradnika Vesne Ilić katastarske čestice 752/8,752/27, 752/32, 752/30 koje su šumsko zemljište bile su predmet urbanističkih saglasnosti broj: UP-1 02/2-23-378/19 od 21.05.2019.godine, broj:UP-1 02/2-23-379/19 od 21.05.2019.godine, broj:UP-102/2-23-162/19 od 19.02.2019.godine, broj:UP-02/223-2447/18 od 30.01.2019.godine koje je donio nadležni općinski organ .Općina Trnovo je uložila žalbu na donesena zaključke Federalnom ministarstvu okoliša i turizma Federacije Bosne i Hercegovine. Federalno ministarstvo okoliša i turizma rješavajući po žalbi donijelo je akt Rješenjem broj : UP-II05/2-02-23-13/19 od 10.07.2019.godine kojim odbija žalbu Općine Trnovo uloženu na Zaključak koje je donijelo Ministarstva prostornog uređenja, građenja i zaštite okoliša Kantona Sarajevo broj 05-23-17380/18 od 10.05.2019.godine Rješenjem broj : UP-II05/2-02-23-13/19 od 12.06.2019.godine odbilo je žalbu Općine Trnovo uloženu na Zaključak koje je donijelo Ministarstva prostornog uređenja , građenja i zaštite okoliša Kantona Sarajevo broj 05-23-16767/18 od 10.05.2019.godine

- Rješenjem broj:UP-II05/2-02-23-14/19 od 10.07.2019.godine odbilo je žalbu Općine Trnovo uloženu na Zaključak koje je donijelo Ministarstva prostornog uređenja , građenja i zaštite okoliša Kantona Sarajevo broj 05-23-491/19od10.05.2019.godine.

Dana 27.09. i 30.09.2019.godine u prostorijama Općine Trnovo izvršen je inspekcijski nadzor nad radom općinske urbanističko-građevinske inspekcije u predmetima odobravanja i izgradnje građevina na lokalitetu Bjelašnice, Babin do, i tom prilikom utvrđeno je da je općinska urbanističko-građevinska inspekcija pokrenula postupak inspekcijskog nadzora nad izgradnjom dvadesetak aktivnih i 2 neaktivna gradilišta. Takođe, tokom kontrole je utvrđeno da je Služba za urbanizam i komunalne poslove Općine Trnovo vodila postupke odobravanja građenja ili postupke izmjene i dopune ranijih rješenja. Pored toga, uvidom u predočenu dokumentaciju utvrđeno je da u istima stoji da se izdaju na osnovu UP "Bjelašnica I faza " i UP" Bjelašnica II faza " ("Sl. novine Kantona Sarajevo " br.47/18), a u pojedinim dokumentima stoji da nadležni organ u postupku donošenja rješenja pribavlja i mišljenje Savjeta plana za prostorni razvoj, prostorno planiranje plansko uređenje te za ocjenu kvaliteta. arhitektonskog oblikovanja i verifikacije projekta u okviru planskih dokumenata općine Trnovo.

U nastavku inspekcijskog nadzora, a u cilju utvrđivanja svih činjenica bitnih za dalje postupanje postupajući inspektor je dana 15.10.2019.godine zakazao radni sastanak u prostorijama Zavoda za planiranje razvoja Kantona Sarajevo kome su prisustvovali direktor Zavoda Hamdija Efendić i njegovi saradnici. Tom prilikom, inspektor je konstatovao sljedeće :

- Da su Općina Trnovo kao nosilac pripreme i Zavod za planiranje razvoja Kantona Sarajevo kao nosilac izrade potpisali ugovor o izradi Izmjena i dopuna Regulacionog Plana "Sportsko-rekreacionog područja Bjelašnica" (skraćeni postupak , predočena kopija Ugovora broj:08-23-6952/17 od 25.12.2017.godine)

- Da je Zavod za planiranje razvoja Kantona Sarajevo, kao nosilac izrade, Odlukom o odabiru najpovoljnije ponude za nabavku usluga izrade i provedbe "Strategijska procjena i uticaja na okoliš " za Izmjene i dopune Regulacionog plana "Sportsko-rekreaciono područje Bjelašnica"



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

broj:08-23-1744/19 od 13.06.2019. godine angažovao Institut za građevinarstvo "IG" d.o.o.Banja Luka (odabir u skladu sa propisima iz oblasti javnih nabavki)

- Uvidom u prostorno plansku dokumentaciju Prostorni plan Kantona Sarajevo za period 2003 do 2023.godine kojim se utvrđuju osnovna načela planskog uređenja prostora, ciljeve prostornog uređenja prostora, ciljeve prostornog razvoja, te zaštita, korištenje i namjena prostora (poljoprivredno, šumsko, građevinsko zemljište te vodna dobra) konstatovano je da se predmetne parcele k.č.752/8, 752/27, 752/32, 752/30 K.O. Presjenica nalaze u obuhvatu čija namjena je građevinsko zemljište (navedene parcele su bile predmet donesenih rješenja o urbanističkoj saglasnosti broj: UP-102/2-23-378/19 od 21.05.2019.godine, UP-102/2-23-379/19 od 21.05.2019.godine, UP-102/2-23-2447/18 od 30.01.2019. godine, UP 02/2-162/19 od 19.02.2019. godine, a koje je donijela nadležna općinska služba .

U daljem toku postupka, na osnovu prethodno utvrđenih činjenica, kantonalni urbanističko-građevinski inspektor je poduzeo sljedeće mjere :

- Donijeto rješenje broj:UP-14-06/04-13169/18 od 01.11.2019. godine kojim je naloženo općinskom urbanističko-građevinskom inspektoru da u ostavljenom roku provjeri da li su izmjene urbanističkih saglasnosti koje su konstatovane zapisnikom kantonalne inspekcije od 27.i 30.09.2019. godine usaglašene sa detaljnim planskim dokumentima, odnosno da li su donesene na osnovu važećih detaljnih planskih dokumenata, obzirom da se donijetim izmjenama rješenja o urbanističkoj saglasnosti mijenjaju urbanističko-tehnički uvjeti u smislu tehničkih pokazatelja građevina (spratnosti i horizontalni gabariti, te koeficijent izgrađenosti parcela). Ukoliko inspektor utvrdi da donesena rješenja sadrže nepravilnosti koje su ovim zakonom predviđene kao razlog ništavosti dužan je obavijestiti nadležni organ o postojanju razloga za proglašenje rješenja ništavnim čl. 156. Zakona o prostornom uređenju Kantona Sarajevo (" Sl. novine Kantona Sarajevo" br.24/18, 01/18) i donijeti sve ostale zakonom predviđene mjere.

Po isteku ostavljenog roka, kantonalni inspektor pokrenuo je postupak kontrole izvršenja rješenja. Tokom postupka utvrđeno je da je postupajući općinski urbanističko-građevinski inspektor stupila na bolovanje početkom novembra i još uvijek nije počela sa radom.

Služba za civilnu zaštitu i inspeksijske poslove Općine Trnovo dostavila je informaciju broj 02/4.1-230-3066-1/19 od 11.02.2020.godine u kojoj stoji da radovi na predmetnom lokalitetu izvode u okviru urbanističkih projekata "Bjelašnica I faza " i Belašnica – II faza " , a isti se nalazi u okviru obuhvata Regulacionog plana "Sportsko-rekreativnog područja Bjelašnica ". Usvojenim planskim dokumentima propisano je, da uzimajući u obzir specifičnost prostora sa aspekta veoma raznolikog, neusklađenog kao i planskom ambijentu neprimjerenog arhitektonskog oblikovanja objekata izgrađenih do izrade izmjena i dopuna plana , formiranje Savjet plana za prostorni razvoj, prostorno planiranje, prostorno vanjsko uređenje i prostorno uređenje, te za ocjenu kvaliteta arhitektonskih oblikovanja u okviru planskih dokumenata čiji je zadatak da vrši ocjenu za prostorni razvoj , prostorno planiranje, prostorno vanjsko uređenje i verifikaciju kvaliteta arhitektonskog oblikovanja (te o ocjeni i verifikaciji projekta sačinjava zapisnik koji se dostavlja nosiocu pripreme). O prednje navedenom obaviješteno je Ministarstvo prostornog uređenja, građenja i zaštite okoliša.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

S obzirom na sve naprijed navedene o intenciju ove Informacije , istovremeno ističemo da je KUIP-e u proteklim godinama provodila niz usmjerenih inspekcijskih nadzora na lokalitetu Bjelašnice. Nadzori su p.p. vršeni i kao timski u okviru timova formiranih na nivou KUIP-e koji su sačinjavale i druge inspekcije (kantonalna inspekcija zaštite okoliša, kantonalna komunalna inspekcija, sanitarna i vodna inspekcija,etc ...), a posebno vezano za nadzor nad građenjem na širem prostoru Bjelašnice (u periodu aktiviranja građenja na lokalitetu Prečko Polje), zatim vezano za nadzor nad separatnim kanalizacionim sistemom na Babinom dolu - Bjelašnica zbog sumnje da nedostaci na istom utiču na kvalitet vode izvorišta Vrelo Bosne, zatim vezano za prljanje javnih površina, buku sa gradilišta, održavanje izgrađenih objekata , etc..

Pored toga, s obzirom da se trenutno kao najbitnije pitanje na ovom lokalitetu postavlja pitanje uticaja građenja na okoliš, ističemo da je Kantonalna uprava za inspekcijske poslove uzela aktivno učešće na javnim konsultacijama vezano za Nacrt Uredbe o strateškoj procjeni uticaja strategija, planova i programa na okoliš. KUIP-e je resornom Ministarstvu dostavila prijedloge i sugestije urbanističko-građevinske i inspekcije zaštite okoliša u cilju bolje prohodnosti dokumenta sa aspekta novoplaniranog inspekcijskog nadzora, obzirom da važeća Odluka poznaje samo nadzor Ministarstva, ali ne i inspekcijski nadzor.

S obzirom na sve naprijed navedeno, utvrđeno i poduzeto, mišljenja smo da hitno treba pristupiti rješenju ukupnog stanja na prostoru Igmana i Bjelašnice kako u oblasti urbanizma i građenja , tako i u oblasti zaštite okoliša na način da svi nivoi vlasti , prije svega, utvrde zajedničke prioritete. Sinergija i koordinacija svih nadležnih organa u cilju unapređenja stanja u ovoj oblasti, se podrazumijevaju. U tom smislu, KUIP-e stoji na raspolaganju u punom kapacitetu u skladu sa nadležnostima.

GLAVNI INSPEKTOR

Sal

GLAV

OR

Ed



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb